

Motema Na Moto

Motema ejali na bokosi koleka biloko yonso mpe na mabe mingi; nani akoki koyeba yango?
(Yilimia 17:9)

Oyo ekobimaka na moto ekopesa ye mbindo. Mpo ete na kati mpenja, kati na motema na moto, makanisi mabe makobimaka, ekobo, moibi, koboma, pite, bilulela, mabe, kokosa, mobulu, liso mabe, kotuka, lolendo, joba. Makambo mabe oyo yonso makobimaka na kati mpe makopesaka moto mbindo.
(Malako 7:20-23)

E Njambe, yo okoboya motema motutami mpe na mawa te.
(Njembo 51:17)

E Njambe, yokela ngai mawa, lokola ejali boboto na yo; kati na ngolu na yo monene, boma bipengweli na ngai. Sukola ngai malamumu kolongola mabe na ngai, petola ngai na masumu na ngai. Petola ngai na isope, mpe nakojala mpeto, sukola ngai mpe nakojala pee lokola mpembe.
(Njembo 51:1,2,7)

E Njambe, yoka kolela na ngai; tia matoi na kobondela na ngai.
(Njembo 61:1)

Longwa na nsuka na mokili nakobianga yo wana ekosenjwa motema na ngai; kamba ngai kino libanga makasi, oyo eleki ngai likolo.
(Njembo 61:2)

Sepelisa molimo na mosali na yo jambi epai na yo Nkolo najali kotombola molimo na ngai. Jambi yo ojali malamumu, e Nkolo, mpe okolimbisaka mabe. Otondi na boboto mpo na bango yonso bakobiangaka nkombo na yo. Nakobianga nkombo na yo na mokolo na mpasi na ngai, mpo ete okojongisela ngayi liloba. E Yawe, teya ngai njela na yo; nakotambola kati na solo na yo; pesa ngai motema moko ete nabanga nkombo na yo. E Nkolo Njambe, nakotonda yo na motema na ngai mobimba, mpe nakokumisa nkombo na yo seko na seko. Jambi boboto na yo ejali monene epai na ngai.

(Njembo 86:4,5,7,11-13)

Nalukaki Yawe mpe ye ayambaki ngai; abikisaki ngai na nsomo na ngai yonso.
(Njembo 34:4)

Yawe ajali nguya na ngai mpe nguba na ngai; motema na ngai ejali na elikia epai na ye; boye nasungami mpe motema na ngai eyoki esengo, nakotonda ye na njembo na ngai.

(Njembo 28:7)

Elema alobi na motema na ye ete, Njambe ajali te.

(Njembo 14:1)

Bandeko, bokebaka ete motema mabe mpe na kojanga kondima ejala kati na moko na bino te ete botangwa na Njambe na bomoi te. Kasi bopesanaka toli kati na bino mpenja mokolo na mokolo naino ejali yango kobiangama Lelo ete moko kati na bino te ajalisama makasi na bojimbisi na masumu.

(Baebele 3:12,13)

Mwana na ngai, pesa ngai motema na yo.

(Masese 23:26)

Soko okoyambola na bibebu na yo ete Yesu ajali Nkolo mpe soko okondima na motema na yo ete Njambe asekwisi ye na bafuki, okobika ... jambi, elobi lisusu ete, Moto na moto oyo akobeela nkombo na Nkolo akobika.

(Baloma 10:9-13)

Batela motema na yo na mpiko yonso mpo ete makambo na bomoi ikoutaka wana.

(Masese 4:23)

Nde okimaka mposa yonso na bolenge mpe obengana boyengebene mpe kondima mpe bolingo mpe kimia, esika moko na bango bakobianga nkombo na Nkolo na mitema mpeto. Oboya koluka makambo na kowelana majangi ntina mpe mayele, jambi oyebi ete makoyeisa, koswana.

(2 Timote 2:22,23)

Talela Yawe na motema na yo mobimba mpe ndima bososoli na yo moko te. Na njela yonso na yo, ndima ye mpe ye akotambolisa yo. Boye okotambola na njela na yo na kimia mpe lokolo na yo ekotaa libaku te. Ekolala yo mpongi, okobanga te; ee, okolala mpe mpongi na yo ekojala kitoko.

(Masese 3:5,6,23 24)

Kasi soko boyoki mpasi mpo na boyengebene; esengo na bino!

Mpo na kobangisa na bango, bobanga te, bomitungisa mpe te. Bobulisa Klisto lokola Nkolo kati na mitema na bino; boselingwaka mikolo yonso mpo na kojongisa monoko na moto na moto oyo akotuna bino mpo na ntina na elikia ejali kati na bino.

(1 Petelo 3:14,15)

Nkolo Yesu alobi ete, Boya liboso na ngai, bino yonso bojati kolemba na mosala mpe kokumba bojito mpe nakopemisa bino.

Bokamata ekanganeli na ngai likolo na bino mpe boyekola na ngai; jambi ngai najali na bopolo mpe na motema mosokemi; bokojuua kopema mpo na milimo na bino. Mpo ete ekanganeli na ngai ejali na motau, mpe mokumba na ngai ejali na bojito te.

(Matai 11:28-30)

Tika ete mitema na bino mitumolana te. Bondima Njambe, bondima mpe ngai. Najali kotikela bino kimia, najali kopesa bino kimia na ngai moko. Napesi bino pelamoko ekopesaka mokili te. Tika ete mitema na bino mitumolana te, mibanga mpe te.

(Yoane 14:1,27)

© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com

<http://www.33eme-cers.org/>